

增訂治疔彙考

金匱要略

增訂

三齋

後附醫案

婺源余家鼎署

增訂治疔彙要目錄

卷上

總論

辨證

疔不可用藥線說

頭面後項手指生疔便捷治法

附治火眼

外科須明脈理

印堂疔

迎香疔

附迎香毒

顴疔

附黃藥亭方案

龍泉疔

反唇疔

承漿疔

穿牙疔

附穿牙疔走馬牙疔

喉疔

附喉證治法

開花疔

治法

忌用升藥說

藥忌酒說

疔與癰疽治法異同

釘腦疔

鼻疔

耳疔

腮疔

附黃藥亭方案

虎鬚疔

鎖口疔

牙疔

舌疔

螞蝗疔

松子疔

正對口疔

附纏疽治法

十指疔

天蛇毒

蛇眼疔

蛇腹疔

鰓肚疔

僵節蛀疔

虎口疔

附虎口毒

手背疔

肉龜疔

俗名脚發背
附烏茄疔

脫骨疔

紫靨疔

白刃疔

附黃藥亭方案

羊毛疔

一名羊毛痧

心經疔

血疔

偏對口疔

蛇頭疔

水蛇頭疔

蛇背疔

蛇節疔

斷指疔

手丫疔

托盤疔

附手心毒
穿掌毒

手槽疔

冷疔

附黃藥亭
趾疔方案

火焰疔

黃鼓疔

黑靨疔

羊毛疔瘤

火疔

附一切痧證治法

黑疔

魚眼疔

七星趕月疔

三十六疔

紅絲疔

水疔

暗疔

麻子疔

雄疔

石疔

爛疔

水洗疔

牛皮疔

牛疔

羊疔

瓜藤疔

氣疔

魚臍疔

護場疔

刀臙疔

對疔

葡萄疔

內疔

芝麻疔

雌疔

火疔

鹽膚疔

浮漚疔

豬疔

狗疔

驢馬疔

豆腐疔

鬼疔

楊梅疔

痘疔治法

捲簾疔 以下俱痘疔

忘汲疔

燕窩疔

透腸疔

赤斑疔

拔毒膏

牛糞散

補遺

疔疽

紅繭疔

蜈蚣疔

看疔秘法

火珠疔

豢虎疔

注命疔

驪龍疔

痘證回毒方

兼治疔腫

痘疔潰爛方

蒜灸方

過梁疔

增訂治疔彙要卷上

金匱過 鑄玉書甫著

總論 治法

休甯 祁門 縣志 卷之八 全錄

疔者堅硬有脚其狀若釘故名曰疔若散腫無脚則曰毒有如瘡生指尖按之其痛在骨有硬塊如脚者謂蛇頭疔若散腫無脚則謂天蛇毒此卽疔與毒之分也其證皆由五臟蘊毒而發疔生於骨根深毒重每見失治之疔日久膠結致成硬脚骨已爛出貼於骨上搖之不動久不收斂骨節脫落若毒則自肌肉發出其證較輕治法則一緩治亦防走黃人受四時不正之氣或恣食煎炙厚味或誤食中瘟禽畜及湯罐中霉爛米糝則生疔若早治則十證十全稍遲已不過五六失治則十壞八九矣唇面之疔及紅絲疔最易走黃治能合法一晝夜即可消散他處亦然蓋來甚速者去亦捷也初發時先令患者將頂上紅髮拔去以洩毒最好用蜘蛛拔毒法詳下若蜘蛛一時難覓可用小尖刀刺患處擠出惡血見新血爲止上蓋消疔毒膏詳下或稍加黑虎丹詳下背上有紅點將鍼挑破擠去紫血疔發於五臟上身之疔背上俱有紅點挑破以洩其毒若脈浮數而寒熱拘急者宜散先服蟾酥丸詳下五丸再服紺珠丹詳下俱以葱湯送下灌至出汗爲度若脈沉實而便閉口渴者先服蟾酥丸繼服貴金丸詳下重者服拔疔毒丸以下之詳下毒卽散矣生於手足骨節間者稍輕生於頭項胸背者較

重方書云手指患疔皮肉太薄不宜早開恐贅肉翻出增痛此說太拘初發時不妨用刀輕刺慢慢擠盡惡血刺法擠法俱在乎手法上蓋消疔毒膏內有松香內肉不致突出凡疔

如四圍腫痛用鮮地丁草或菊花梗根葉搗汁塗之或用塘鷄糞或用烏龍膏解毒

散俱詳下外敷俱可潰後硬而有脚須用蟾酥丸或拔疔散詳下放孔內外蓋膏藥拔去

疔脚拔去後如痛恐有蟬毒須用葱湯洗不但容易收口亦不致再發無脚者不必用蟾酥丸即用八

將丹詳下提毒毒盡肌生斷不可早用生肌散詳下恐毒未盡反覆故也陳實功云疔瘡

先刺血內毒宜汗泄禁灸不禁鍼怕綿不怕鐵綿者毒陷也鐵者入鍼肉堅硬也又相傳口訣云治疔

須明白見證先一畫除去刀膿疔刀膿疔忌用此法不可易言雖俚俗實治疔之良訣

也若疔腫而不刺其毒最易入腹刺後能將膿血擠清有轉重就輕回生起死之效

倘刺之如瓜瓠輒而不知痛流淡血水者百無一生或謂疔證屬火不可灸其說亦

不盡然若紅絲疔不灸疔頭而灸其所至之處不可灸者惟頭項之疔與指疔火疔

及火日耳紅絲疔走毒甚速不可拘火日不灸之說蓋頭項係肝膽腎三經部位且頭為衆陽之首疔乃火

毒結成再加艾灸逼毒內攻勢必走黃手指之皮薄灸則增痛永樂大典濟生方載

疔腫則灸掌後橫紋五枚七壯男左女右其腫即消有失治而致走黃者刺患所擠

盡惡血即隨走黃處按經細尋有芒刺直豎即是疔苗急用鍼刺出惡血即於刺處

用艾灸三壯以洩毒疔之於灸未可盡廢也神而明之存乎其人

李東垣爲元好問灸腦疽立愈余門下士夏某見余治外證常用灸法伊家有人患鼻疔甚重爲灸至數十壯而愈余問之駭然蓋一則精於醫理反經合權而取效一則昧於治法情急妄施而幸效二者俱不可從

徐靈胎批外科正宗云疔之不可犯鐵者甚多其說不知何本按疔之不可刺者惟刀臙疔及暗疔若刀鍼不用鐵而用金銀則鈍輒不適用金銀生者較硬可用余間用之然不如鐵之合用也余聽鼓杭垣有許豫生觀察之僕患鎖口疔面色灰白腫硬及腮證極重險余爲治之僕聞他醫云疔毒忌鐵犯則難治以斯言告余聞之不禁啞然因與之內外並治未旬日已收功矣余治疗不下數千俱用刺法未嘗一失其或患者畏刺苦勸不從則變端立至輕則轉重重則走黃誌此爲不知刺法者告

一論形色 若初起瘡頂泡色小白二日大白三四日轉紫色疔頭潰膿形若蜂窩飲食如常疔外生小瘡四圍赤腫手足溫者順若初起似疔非疔漸卽色灰頂陷如魚臍如蠶斑先青後黑輒陷無膿神昏嚙語心煩舌乾睛凝邪視驚悸喘急膿清臭穢形瘦慘黑腹痛囊縮嘔呃氣麓無脈飲食不進時流血水四肢俱冷此惡險之證也

一論禁忌

若月內不犯房事則瘡口平坦無贅肉最忌飲酒食肉房勞夢遺犯必

走黃又忌雞魚海味生冷異香諸品及怒氣勞碌犯必加重凡疔由火毒而成服藥最忌辛熱助火則毒更甚且始終忌用升藥用之毒與藥結成硬塊固結不散潰後斷不可早用生肌散恐毒未除反延爛耳

一論用藥次序

初起服蟾酥丸或狗寶丸紺珠丹以發其汗倘毒勢不盡仍憎寒惡熱服五味消毒飲如發熱口渴便閉脈沉實者邪在裏也服加味解毒湯加生大黃五錢蔥頭五箇輕者服化疔內消散若將走黃急服疔毒復生湯已走黃心煩昏憤者服七星劍若手足厥冷六脈暴絕者係毒氣閉塞元氣不通先服蟾酥丸隨服木香流氣飲若誤灸疔頭煩躁譫語者乃逼毒內攻也宜服解毒大青湯若潰後餘毒未盡五心煩躁者宜服人參清神湯若鍼後出膿時氣虛驚悸者宜服內托安神散若攻利太過而致發渴六脈虛大者宜服補中益氣湯若發汗後汗不止熱不退瘡不疼便不利者此屬裏虛宜服八珍湯加黃芪麥冬凡疔收功後不宜早補卽見虛象亦只可平補而不可溫補

一論用藥輕重

上焦風熱之證用藥宜輕重則恐其犯及中下二焦惟疔則不然

頭面之疔最易走黃

古諺云面無好疔其毒極猛

藥非重用不可若菊花地丁二飲爲治疔要方

各用四兩另加生甘草四錢如二飲合用至多減半金銀花亦要藥味清力薄重用方效菊花地丁俱和平之品金銀花雖散熱解毒而能滋陰補虛仲景立方重

用甘草者甚多且有以甘草爲君者時用手用甘草不過三四分不知始於何人外證用藥本重於內證而疔則其來甚速非濃煎大劑日夜當茶飲之不能解其毒也至若黃連黃蘗等大苦寒之藥疔雖火證不宜重用也

辨證

疔之發也甚速而其毒尤烈有朝發夕死隨發隨死者有三日五日至一月半月而死者初起如疥如粉刺或發小泡或起疙瘩風不可認作熱疙瘩始則或癢或麻木毒盛者是後則漸痛亦有起卽痛者由癢而起之證其毒必四散遊走最爲利害一二日後發寒熱如瘧甚則嘔吐煩躁頭暈眼花舌硬口乾手足青黑心腹脹悶精神委頓語言顛倒其形大小長圓其色黃白紅紫或有紅絲無一定形更有生於內者亦有寒熱頭痛等證而瘡形不現過數日或有一處腫起卽內疔所發之地治詳下又有生於暗處者初起不可誤爲傷寒時疫當於鬚髮眼耳口鼻肩下兩腋手足甲縫糞門陰戶等處遍尋細看數次有則照後方治之若前心後背有紅點卽照後羊毛疔治之要在虛心辨認隨其證之輕重用藥合宜方可無慮書云見其小則當大驚倘或緩治或治不得法必致走黃變端不測俗云走馬看疔極言治之不可緩蓋疔證由五臟之毒火蘊結而發故分五色其部位亦有一定發於心者生唇口手掌指節間其泡色紅黃發於肝者生手足肋脇間其色初紫後青甚則指甲青色發於脾者生口角顯

顴眼胞間起有黃泡發於肺者生鼻竅手指胸臆間起有白泡發於腎者生耳竅腰腹軟處起有黑斑卽證之形色部位參之而五臟之所屬可辨矣

茲將各疔之名開列於後

有以象形名者曰氣疔 石疔 松子疔 爛疔 鬼疔 茱萸疔 麻子疔 芝

麻疔 鹽膚疔 浮漚疔 瓜藤疔 楊梅疔 魚尾疔 豬疔 狗疔 羊疔

牛疔 驢馬疔 牛皮疔 蜈蚣疔 雄疔 雌疔 豆腐疔 火疔 水洗疔

刀臙疔 肉龜疔 蛇頭疔 蛇腹疔 蛇眼疔 蛇節疔 蛇背疔 鰍肚疔

托盤疔 葡萄疔 冷疔 對疔 羊毛疔 羊毛疔瘤 開花疔 螞蝗疔

水蛇頭疔 脫骨疔 斷指疔 血疔 護腸疔 火珠疔 水疔 魚眼疔

魚臙疔

有以會意名者曰簾捲疔 忘汲疔 燕窩疔 注命疔 透腸疔 驪龍疔 參

虎疔 釘腦疔

有以顏色名者曰赤面疔 黑疔 火焰疔 紫靨疔 黃鼓疔 白刃疔 黑靨

疔 紅絲疔

有以數目名者曰十指疔 三十六疔 七星趕月疔

有以經穴名者曰迎香疔 印堂疔 合谷疔 承漿疔 人中疔

有以部位名者曰手丫疔 頰疔 鼻疔 髭疔 虎鬚疔 反唇疔 腮疔 牙

疔 穿牙疔 暗疔 內疔 心經疔 手背疔 偏正對口疔之類是也

諸以上疔

刺治法
切俱詳下

諸疔或見於方書或得之口授若偏正對口手背等疔則載於刺疔捷

法詳治下證極重險余爲人治有效故并癰疽誌之

忌用升藥說

升藥者卽周禮瘍醫之五毒藥見鄭康成注其方以石膽丹砂雄黃礬石慈石五味合置黃瓦瓶中燒三日夜其煙上著以雞羽埽取之以注瘡口能使惡肉破骨盡出然諸瘡痛癢皆屬於心心爲火臟又積淫熱更以剛猛煉合之品加之不將使弱者傷正氣強者增熱毒乎此說得之桐鄉張夢廬張氏於嘉道間以通儒爲名醫其治外證不用升藥皆得奏效況今之升藥又與古方不同多用水銀硝礬合煉非埋土中七八年退盡火氣不可用蓋水銀之性善走經絡能令瘡口變黑筋骨拘攣用之不當有外證愈而成浮腫癰瘻之疾者疔爲火毒之證尤不可近徐靈胎云世人以升藥爲收口聖藥其害無窮又云水銀之毒未退盡好肉遇之皆爲死肌王洪緒全生集升降之藥亦禁忌徐王二氏爲當代名醫其說非無所見而云然也

疔不可用藥線說

疔不用藥線載於外科大成余以爲外證皆不可用不獨疔爲然也時醫於外證潰

後慮其孔塞輒以綿紙捲藥作線形插入患孔以致氣血阻隔脈絡不能貫通久則膿水清稀不能收斂後來將藥線扯去外實中空內已釀成一管黃水時流幼者背脊漸凸不久夭亡壯者形神日羸久成怯損貽害匪淺藥中用冰麝等品即無經不達何必定用藥線哉且藥線中用升藥者居多在臂膊等硬肉處即不成管亦有筋骨拘攣等弊外科動用升藥不肯用貴重之品者無非爲惜資起見余故嘗曰外科合藥惜資誠造孽也

每有用藥線致數月不收口者來求余治余去其藥線易以他藥旋即收口不可勝記

藥忌酒說

疔忌酒肉犯必走黃人人知之然前人治疔之方用酒者多王洪緒全生集云疔藥不宜用酒凡藥俱不忌酒外證之藥有用酒煎而益效者而疔獨忌之以其善於走黃也此論實前人所未發余用古方凡有酒者一概刪去近時名醫黃樂亭以葱礬散治疔則用酒古方亦然取其無經不達也是方載於白刃疔下余用葱礬散則以葱湯送下間有用酒者似較效要視其證之何如耳然於煎藥則以不用爲是

頭面後項手指生疔便捷治法

附治火眼

疔之須刺已於上詳言之矣茲將督脈處及手指生疔另有便捷刺法再行聲明俾

治者更易也按督脈起於長強穴

尾端

終於斷交穴

正上唇門牙中齒根

百勞穴爲脊盡上行

要路

又名大椎脊骨第一椎上陷中與肩齊

如證生於督脈經行之地若後項之正對口頭項下之天庭

從鼻直上入髮際五分

眉心中之印堂鼻柱下之人中

水溝一名

等處最好刺百勞穴以洩毒

生頭面者

刺俱可

如患對口項強不能轉側刺後片時即能活動再刺委中穴

下詳

毒必解而轉輕

刺法用三稜鍼輕刺擠出紫血

來經之穴其色故紫

隨以麻油食鹽擦穴上俾毒可透洩刺不

可深內經所謂刺皮無傷肉也若指疔則無論何指須刺第三節指根近掌處俾毒不致竄入旁指及手心手背即本指之毒亦可洩此一定理也朱子云凡物莫不有理醫能明理方可言醫余以此法治疔亦於理中求之故無不效若頭面之證火毒盛而腫者可用生大黃生南星片稍煎搗爛作餅貼兩足心一週時患處四圍塗牛膝湯或煎藥中用牛膝使火毒下行

治火眼亦極效

古人所謂病在上而求諸下也

委中穴

刺之不獨疔瘡有效即如癰疽發背紅腫疼痛及脚膝風溼即拄杖跛足

者鍼之亦效若中風痰厥牙關緊閉不省人事者鍼之立醒其穴在臍中央約紋

動脈陷中令患者雙手著壁土雙脚挺直用三稜鍼將紙紮尖頭露半粒米許鍼

時以中指抵住鍼頭看委中穴有細青紫脈皆是溼毒惡血照準青紫脈上刺之

任出黑血至淡黃色爲止將紙輕按片時用膏藥貼之三四日不可洗浴外證可

照此治若風溼跛足等證於放血後令人將圓棍於手足腰背腿上推之病即漸

愈鍼穴不宜出血惟委中少商兩穴必須出血且桃疔來經之穴與平常鍼灸不同總宜擠出惡血爲是方書云冬月閉藏宜少鍼刺如唇疔紅絲疔等證轉瞬卽變不能避多月也最好用細磁器碎片取其鋒尖一塊用筋一根將頭劈開夾縛磁鋒以二指輕捺筋梢將磁鋒對患處懸寸許再用細鐵條一根頻擊筋根令毒遇刺皆出如不消再行砭之

疔與癰疽治法異同

疔與癰雖同屬陽證而癰之初起卽痛繼則焮腫無頭膿熟方可開刀異於疔之初發宜刺也疽初起有一粒椒亦可輕刺或癢或痛初發時另有刮毒一法最爲捷效

詳鼻

與疔之有用刮法者相同疔之用藥與癰近與疽稍異且疽則屬陰者居多其

用藥與疔則更異若論刺法則尤大不同癰之腫高而患在肌肉者刺二三分疽之平腫附骨者須深刺若疔則宜淺而不宜深疔與疽俱發於五臟難治熱毒爲疽主裏

氣生經絡而沉

癰則起於六腑

六腑主表氣生經絡而浮於皮膚

故易治也

再黃著爲癰疽聖藥惟疔之初起則不宜用故此書所載黃樂亭醫案俱用在已潰之後不可不知

外科須明脈理

林屋山人全生集云外證之虛實發現患處不諳脈息儘可救人此說非是蓋其所

主全以色之紅白分陰陽不知陽中有陰陰中有陽未可一概論也脈之有餘不足不可不辨有餘之脈爲浮如水滑往來實有力沉弦端直而洪有力而長過本位緊急而數一息至六沉而沉重按伏重按促數而不足之脈爲細如絲遲一息緩四至芤中空濇遲利不濡浮而弱細沉短兩頭虛無力遲革浮多結有止動如豆散無定微似有代止中有數定未潰而見有餘毒氣盛也攻不宜緩已潰而見不足元氣虛也補不宜遲倘未潰而見不足之脈則毒陷而氣虛須補陽以發毒已潰而見有餘之脈則毒盛而氣滯必補陰以化毒夫脈之道本不易精因其不易而竟曰治病不必診脈誤人甚矣總之外證未潰屬實脈宜洪大已潰則虛不宜洪大矣若疔之初起寒熱拘急脈緊而數者則在表宜汗以散之如發熱口渴便閉脈沉而實者則在裏宜下以解之緊數沉實簡而易明此爲臨證診脈之要訣也

釘腦疔

生於太陽穴及眼角邊此疔極重九死一生太陽穴忌刺如欲洩毒又非刺不可可用兩指將患處之肉提起以三稜鍼輕輕橫刺擠出膿血再挑百勞穴自一節挑至七節百勞詳上指面殘髮須留心不可見水如水流入必致面目俱腫證益加重外敷消疔毒膏內服蟾酥或狗寶丸寒熱則用紺珠丹散之便閉則用貴金丸下之再服清火解毒大劑或可轉重爲輕